

QANURITJUHIA

Kugluktuk imiqtaqpaktuq Kuglukmit unghahiktigiyuq 2.5 kilaamitanik qulvaniittumik Coronation Gulf-mit tariumit. Amigaittut ihuigiyauyut tuhaqtauvaktut imiqtautikkut ukiuni amihuni kinguagut ihivriuqhiqattaqhutik ayurnaqtuni qauyihaghugu. Piqaqtuq amigaivyaktunik angiyunik ihumagiyaayunik aallatqiillu: ihuqhihimainnaqtuq, tariurninnaqtuq, huiqqapakhuni tuqhuanga imiqtautip, nalauhimanahuat nalayut napayullu humiinniit imiqtautip pampautaata tuqhuangatalu, iharianarniq nutaamik imiqtautip pampautaata ilvikhaanik, nakuuyumiklu imiqtarvikhaqarvikhamik. Qangannguququq ukiuni kingullirni nutaaq imarmik halummaqtirvikhaq titirauyaqtauvaktuq hanayauplunilu. Una halummaqtirvikhaq ilanginnik ihuaqhaivaktuq ayuqhaqtauyunik. Kihimi ihuaqhiyauykhaq ilanga piyaangani imiqtaqhimmangianganani aannialaqqinnaittumiklu nunallaamut.

A.D. Williams Engineering Inc. (ADWE)kut tiliyauvaktut ihivriuqhiyaangani titirauyarianganilu imiqtarvikhamik ihuaqhinahuarianganani ihuittut tatja atuqtauyut. Qanganuamit ihivriuqhiyut qiniqhialluapaktut halumanirmik kuugarmi ilvikhaanik nutaat tuqhuaqarvikhap, kihiani hiuraqarniup tatja ilvigiyaani. Uvuuna imaliqinikkut kaantulaaqaqatigiyauyuq piyauhimaliqtuq qanuq itiyaakhaanik kukkamiklu qauyihainiq ihivriuqhiniirli iniqtauvaktut.

Naqitqiaq kuukkap natqa naniyauvaktuq haniani hinaata atpavyaanillu tatja atuqtauyumit, pilaaqtaat tuqhuanit tatja atuqtauyumit pampautimit. Una halumaniqtut ittuq. Imaliqinikkut ilittuqhainiq uuktuquiyuq qanuriliurutikhanik pihimayaangani halumanirmik talvani.

Taamna uukturumayauyuq imiqtarvikhaq nakuutqiyaunahugiyautillugu, ihuittuqaqtuq tahapkununga ihuaqhiyauyukhanik. Hivulliq talvuuna ilaani tariuninniq, tahamna ihuaqhiyunaittungnaqhiuq nutaamit imiqtarvikhamit. Ihuqhiniq, angitqiaq halummaqtirnimmit tajta piyauyumit, ilauyuq ihuaqhihimaittunut. Hapkua ihumagiyauyut ihuaqhiyaulaaraluaqhutik, piyakhaqaqtut qanuriliurutikhanik munariyauyukhaniklu.

Uuktuqtauyumayyuq halumayumik imaqaarungnaqhiuq ataani kuukkap atuqtaulaaqtumik. Ihivriuqhihimanikkut nunap qanurinnianik naunaiqhivaktut pingahunik atuqtaulaarungnaqhiyunik imaqaaruiyungnaqhiyunik. Kihimi, ihivriuqhihimanikkut nunap qanurinniak naunaiyaihimagaluaqhuni uyaraliarnik ataani naptuyup hiuraliap, qaniqhinnaittuq halummalaqaqtumik imarmik qanurlu itaakhaani immap ataaniittup. Talvuuna, ihumaliuqtut piyaangani ikauutarlutik piyaangani imarmik ataaniittumik, ihivriurlugu qanurittaakhaa immap pamparlugulu qanuq angiyaakhaanik imarmik.